



Broj: 27-04-04-17098/25
Sarajevo, 19.05.2025. godine

Na osnovu Budžeta Kantona Sarajevo za 2025. godine ("Službene novine Kantona Sarajevo", broj: 13/25), Odluke Vlade Kantona Sarajevo o usvajanju programa utroška sredstava s kriterijima raspodjele tekućih i kapitalnih transfera utvrđenih Budžetom Kantona Sarajevo Ministarstva za nauku, visoko obrazovanje i mlade za 2025. godinu, broj: 02-04-20294-13/25 od 08.05.2025. godine i Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21, 13/22, 21/24 i 10/25), Ministarstvo za nauku, visoko obrazovanje i mlade Kantona Sarajevo objavljuje

JAVNI POZIV
za sufinansiranje udruženja, neprofitnih organizacija i studentskih organizacija za
projekte za mlade iz Budžeta Kantona Sarajevo za 2025. godinu

I - Predmet Javnog poziva

Predmet Javnog poziva je dodjela novčanih sredstava iz Budžeta Kantona Sarajevo za 2025. godinu za udruženja, neprofitne organizacije i studentske organizacije za projekte za mlade za 2025. godinu.

Za ovaj Javni poziv u Budžetu Kantona Sarajevo za 2025. godinu osigurano je **200.000,00 KM** u svrhu podrške mladima na području Kantona Sarajevo.

Maksimalni iznos sredstava po odobrenom projektu je **10.000,00 KM**.

II - Udruženja/organizacije mogu aplicirati na jedan od sljedećih programa:

PROGRAM P1: Jačanje sigurnosne kulture među mladima - prevencija fizičkog, digitalnog i drugog nasilja

Program je usmjeren na promociju sigurnosne kulture među mladima kroz prevenciju digitalnog, fizičkog i drugih oblika nasilja. Kroz edukativne radionice, predavanja, kreativne kampanje, hakatone i omladinske kampove o sigurnosnim prijetnjama mladi stiču znanja i vještine kako da prepoznaju, prijave i reaguju na nasilje, bilo da se dešava u virtualnom prostoru ili u stvarnom životu.

Program aktivno uključuje veliki broj mladih ljudi s ciljem izgradnje sigurnog i podržavajućeg okruženja i prevencije nasilja i jačanja međusobnog poštovanja, tolerancije i nenasilne komunikacije.

PROGRAM P2: Jačanje kapaciteta podrške mladima za prestanak konzumacije i prevencije zloupotrebe psihoaktivnih supstanci (duhanski proizvodi, alkohol i droga) i unapređenje seksualnog i reproduktivnog zdravlja

Program ima za cilj pružanje podrške mladima u prestanku konzumacije i prevenciji zloupotrebe psihoaktivnih supstanci kao što su duhanski proizvodi, alkohol i droga i unapređenje seksualnog i reproduktivnog zdravlja. Kroz edukativne aktivnosti i radionice, program promoviše zdrave stilove života, informiranost i odgovorno ponašanje mladih ljudi. Fokus je na osnaživanju mladih da razvijaju mehanizme otpornosti na pritiske sredine te na jačanju dostupnosti podrške i relevantnih usluga za zaštitu seksualnog i reproduktivnog zdravlja i prevenciju ovisnosti o psihoaktivnim supstancama.

PROGRAM P3: Zaštita okoliša i ekološka održivost

Program ima za cilj da se kroz razne aktivnosti mladim ljudima pruži prilika da izgrade i unaprijede znanja, vještine, stavove o ekološkim izazovima i povećaju svijest i informiranost o zaštiti okoliša, klimatskim promjenama i održivom razvoju. Program podržava aktivniju participaciju mladih u rješavanju problema o ekološkoj održivosti, veću mobilnost mladih ljudi, razvoj kompetencija u raznim zelenim sektorima kao i inicijative o ekološkoj održivosti.

PROGRAM P4: Aktivizam mladih u kulturnom i umjetničkom stvaralaštvu

Program je usmjeren na jačanje angažmana mladih kroz njihovo aktivno učešće u kulturnim događajima, festivalima, kreiranju umjetničkih performansi, predstava, koncerata, izložbi, kampova, kolonija i drugim kulturnim aktivnostima. Mladi će imati priliku da izraze svoje ideje, razvijaju kreativne vještine i doprinesu zajednici kroz umjetnost. Program teži osnaživanju mladih kao aktivnih sudionika kulturnih procesa, podstičući njihovo umjetničko izražavanje, kreativnost i društvenu angažiranost, a čije će aktivnosti biti implementirane kao sastavni dio obilježavanja Međunarodnog dana mladih.

PROGRAM P5: Jačanje kapaciteta podrške mladima iz oblasti poduzetništva

Program podržava aktivnosti usmjerene na razvoj poduzetničkih kompetencija i vještina mladih, s ciljem osnaživanja njihove sposobnosti da odgovore na izazove savremenog društva i tržišta rada. Kroz radionice, mentorske programe, takmičenja u poslovnim idejama i praktične edukacije, mladi se podstiču na inovativno razmišljanje, proaktivnost i razvoj poslovnih inicijativa. Program doprinosi stvaranju okruženja koje motiviše mlade na samozapošljavanje i kreiranje održivih rješenja u oblasti poduzetništva.

PROGRAM P6: Aktivizam mladih u oblasti socijalnog poduzetništva - Socijalno poduzetništvo za održivu zajednicu

Cilj programa je osnaživanje mladih da kroz inovativne i održive poslovne modele rješavaju ključne društvene izazove u svojim zajednicama. Program podržava razvoj i implementaciju društveno korisnih poslovnih ideja, edukaciju i izgradnju kapaciteta te mentorstvo i savjetovanje u oblasti socijalnog poduzetništva.



PROGRAM P7: Unapređenje menadžerskih i komunikacijskih vještina namijenjen mladim menadžerima i liderima

Program ima za cilj razvoj menadžerskih, liderskih i komunikacijskih vještina namijenjen mladim menadžerima i liderima koji žele izgraditi snažne temelje za uspješno vođenje timova i projekata. Kroz dinamične radionice, mentorski rad i simulacije stvarnih situacija, mladi ljudi će imati priliku razvijati ključne vještine upravljanja, vođenja i efektivne komunikacije. Fokus programa je na osnaživanju mladih lidera za donošenje strateških odluka, inspirativno vođenje timova, rješavanje konflikata i uspješno predstavljanje ideja.

III - Pravo na dodjelu sredstava imaju:

- Udruženja/organizacije koje ispunjavaju opće i posebne kriterije po ovom javnom pozivu i koje su registrovane na području Kantona Sarajevo;
- udruženja/organizacije koje su dostavile izvještaj o namjenskom utrošku dodijeljenih sredstava po Javnom pozivu za prethodnu godinu **prije objave ovog javnog poziva**;
- studentske organizacije koje su registrovane u Registru studentskih organizacija u skladu sa Zakonom o studentskom organizovanju („Službene novine Kantona Sarajevo“, broj: 11/10) i Pravilnikom o registru studentskih organizacija na području Kantona Sarajevo („Službene novine Kantona Sarajevo“, broj: 47/14);
- omladinske organizacije, tj. organizacije mladih koje u upravljačkoj strukturi imaju mlade osobe;
- organizacije koje rade s mladima.

Trajanje svakog projekta ne može biti manje od tri mjeseca niti duže od šest mjeseci, a realizacija projekta počinje teći od dana potpisivanja ugovora.

IV - Podnosioci prijave trebaju ispunjavati opće uslove i odgovarajuće dokaze kako bi mogli konkurisati za dodjelu sredstava, a odnose se na sljedeće:

1. Izvod iz odgovarajućeg registra i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva;
2. Dokaz o urednom ispunjavanju obaveza iz svih prethodno zaključenih ugovora o finansiranju i sufinansiranju iz budžetskih sredstava (ili po osnovu ranije dodijeljenih sredstava, ako nisu zaključili ugovore);
3. Dokaz o urednom ispunjavanju obaveza i doprinosa;
4. Izjava da se protiv podnosioca prijave, odnosno lica ovlaštenog za zastupanje i voditelja aktivnosti/programa/projekta ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup;
5. za podnosiocima prijave koji su neprofitne organizacije, a na koje je preneseno javno ovlaštenje internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine ("Službene novine Federacije BiH", broj: 38/16) način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl.



V - Projekat koji se kandiduje za dodjelu sredstava vrednovat će se po osnovu sljedećih posebnih kriterija:

1. da se realizira na području Kantona Sarajevo i da je usmjeren na zadovoljavanje društveno korisnih potreba mladih životne dobi od 15 do 30 godina u skladu sa Zakonom o mladima Federacije Bosne i Hercegovine („Službene novine Federacije BiH“, broj: 36/10) i
2. da je usmjeren na zadovoljavanje potreba mladih sa područja Kantona Sarajevo i da projekat podržava prioritetne oblasti omladinskog sektora u okviru Nacrta Strategije prema mladima Kantona Sarajevo za period 2024 - 2030. godine;
3. da su precizno definisani rezultati projekta i njihov direktni i indirektni uticaj na ciljne grupe mladih ljudi, odnosno da su jasno definisani direktni i indirektni korisnici projekta;
4. da je jasno identificirana potreba za realizacijom projekta, odnosno da su jasno objašnjeni problemi na koje će se projekat fokusirati, odnosno kako će njegovi rezultati uticati na rješavanje potreba i problema mladih u Kantonu Sarajevo;
5. da je jasno preciziran sadržaj rezultata projekta (oblikovani na način kako je to opisano u okviru definisanja predmeta ovog poziva);
6. vremenski plan aktivnosti koje je neophodno provesti da bi se projekat realizirao;
7. jasno preciziran plan koji će biti usmjeren na jačanje vidljivosti, kako projekta, tako i rezultata projekta;
8. učešće drugih partnera u realizaciji i kapaciteti aplikanta za njihovu realizaciju;
9. informacije o rizicima i mogućim problemima u provođenju projekta;
10. dosadašnje iskustvo i ekspertiza podnosioca u provođenju istog ili sličnih aktivnosti odnosno projekta;
11. da postoji finansijski plan/budžet projektnog prijedloga razrađen sa informacijama o ukupnom iznosu finansijskih sredstava potrebnih za provođenje projekta.

Podnosilac aplikacije za realizaciju projekta obavezan je osigurati minimalno 20% finansijskih sredstava iz vlastitih ili drugih izvora od ukupnih finansijskih sredstava potrebnih za realizaciju projekta.

Jedan podnosilac prijave može podnijeti 1 (jedan) projektni prijedlog sa traženim iznosom sredstava maksimalno do 10.000,00 KM.

VI - Prijavna dokumentacija

Prijava na Javni poziv podnosi se na propisanim obrascima, koji su objavljeni u prilogu ovog Javnog poziva.

1. Prijavni obrazac UNO - 25/1, Projektni prijedlog UNO - 25/2 i Pregled budžeta/finansijskog plana projektnog prijedloga UNO - 25/3 (potpisani od strane osobe ovlaštene za zastupanje udruženja/organizacije u pravnom prometu i ovjeren pečatom udruženja/organizacije) (*original*)
2. Obrazac izjave o saglasnosti za obradu ličnih podataka (potpisan i ovjeren kod nadležne općinske službe) (*original*)
3. izvadak iz Registra udruženja sa datumom izdavanja koji nije stariji od šest (6) mjeseca od dana objavljivanja Javnog poziva (*original ili ovjerena kopija*);
4. uvjerenje o poreznoj registraciji - ID broj (*original ili ovjerena kopija*);



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

5. potvrda iz banke o solventnosti računa i transakcijski broj, ne stariji od mjesec dana od dana objavljivanja Javnog poziva (*original ili ovjerena kopija*);
6. zapisnik sa sjednice nadležnog tijela (Skupština, Upravni odbor) na kojoj su usvojeni izvještaj o radu sa finansijskim planom za prethodnu godinu i plan i program rada sa finansijskim planom za tekuću godinu (*original ili ovjerena kopija*);
7. uvjerenje iz Porezne uprave o izmirenim poreskim obavezama udruženja/organizacije i o izmirenim porezima i doprinosima za zaposlenike, sa datumom izdavanja koji nije stariji od 3 mjeseca od dana objavljivanja Javnog poziva. Udruženje/organizacija koja nema zaposlenike, pored dostavljenog Uvjerenja o izmirenim poreskim obavezama udruženja/organizacije, dostavlja izjavu potpisanu od strane ovlaštene osobe za zastupanje u pravnom prometu i ovjerenu pečatom udruženja/organizacije da nema zaposlenika sa datumom izdavanja koji nije stariji od 3 mjeseca od dana objavljivanja Javnog poziva (*original*);
8. bilans stanja i bilans uspjeha za prethodnu godinu ovjeren od strane nadležne Finansijsko - informatičke agencije (FIA) (*original ili ovjerena kopija*);
9. dokaz o uredno dostavljenom izvještaju o utrošku dodijeljenih sredstava za projekte po javnim pozivima za prethodnu godinu sa pozicije Ministarstva za nauku, visoko obrazovanje i mlade Kantona Sarajevo (potvrda nadležnog ministarstva ili Službe za protokol Kantona Sarajevo o prijemu izvještaja o utrošku sredstava);
10. izjava da se protiv podnosioca prijave, odnosno lica ovlaštenog za zastupanje i voditelja aktivnosti/programa/projekta ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (potpisan i ovjeren kod nadležne općinske službe) (*original*);
11. izjava o ukupnom broju članova i strukturi udruženja/organizacije potpisana od strane osobe ovlaštene za zastupanje udruženja/organizacije u pravnom prometu i ovjeren pečatom udruženja/organizacije sa datumom izdavanja koji nije stariji od 3 mjeseca od dana objavljivanja Javnog poziva; (*original*);
12. izjava osobe ovlaštene za zastupanje udruženja/organizacije u pravnom prometu potpisana i ovjerena pečatom udruženja/organizacije da je podnosilac aplikacije za realizaciju projekta osigurao minimalno 20% finansijskih sredstava iz vlastitih ili drugih izvora sa finansijskim planom projekta koji kandiduje i da je projekat počeo ili počinje u 2025. godini (*original*).

VII - Ograničenja korištenja sredstava:

1. Udruženje/organizacija koja aplicira po ovom javnom pozivu može kandidovati isključivo jedan projektni prijedlog od sedam ponuđenih programa;
2. Odobrena sredstva udruženje/organizacija ne može koristiti za isplate administrativnih troškova (personalni troškovi, edukatori, struja, voda, prevoz, telefon, mobitel, fax, poštanski troškovi) u iznosu većem od 30% odobrenih sredstava;
3. Sredstva dodijeljenih za sufinansiranje projekta u oblasti mladih ne mogu se realizovati za tehničku opremu i servisne usluge (IT oprema, usluge krečenja, održavanja i sl.);
4. U toku realizacije projekta bilo koja statusna promjena udruženja/organizacije ili sadržaja projekta, udruženje/organizacija je dužan obavijestiti Ministarstvo za nauku, visoko obrazovanje i mlade Kantona Sarajevo u pisanoj formi, najmanje 7 dana od dana nastale promjene;



5. Udruženje/organizacija za projektne aktivnosti treba utrošiti maksimalno 70% odobrenih sredstava.

Smjernice, kriteriji i obrazci

Smjernice kojima se definišu uslovi za prijavu, kriterije za ocjenu projekata i obrasce za prijavu aplikanti mogu preuzeti sa internet stranice Ministarstva za nauku, visoko obrazovanje i mlade Kantona Sarajevo www.mon.ks.gov.ba.

VIII - Projekti koji se neće sufinansirati:

Na osnovu ovog javnog poziva neće se sufinansirati slijedeće projektne aktivnosti:

- Individualne, pojedinačne stipendije za studije;
- Individualni treninzi/kursevi.

IX - Način prijavljivanja, mjesto i rok za dostavu prijave na Javni poziv

Dokumenti se dostavljaju u originalu ili ovjerenoj kopiji. Sve kopije dokumenata moraju biti ovjerene od nadležne općinske službe ili notara, a obrasci i izjave moraju biti potpisane od strane osobe ovlaštene za zastupanje udruženja/organizacije u pravnom prometu i ovjerene pečatom udruženja/organizacije. Ukoliko izjave/obrasci **ne budu ovjereni**, kao ni potpisani i ovjereni pečatom udruženja/organizacije kako je traženo ili ukoliko isti ne budu popunjeni shodno traženom, prijava će biti isključena iz daljnje procedure dodjele sredstava.

Prijava na javni poziv obavezno se podnosi u formi popunjenih obrazaca koji su sastavni dio ovog javnog poziva i koji se mogu preuzeti sa internet stranice Ministarstva (www.mon.ks.gov.ba). Prijave koje ne budu podnesene u formi propisanih obrazaca i koje ne budu potpuno i ispravno popunjene, smatrat će se neurednim i takve prijave će biti isključene iz daljnje procedure dodjele sredstava.

Javni poziv je otvoren 20 dana od dana objavljivanja u dnevnom listu i internet stranici Ministarstva za nauku, visoko obrazovanje i mlade Kantona Sarajevo.

Prijava na javni poziv sa naprijed traženom dokumentacijom podnosi se u zatvorenoj koverti sa naznakom „**NE OTVARAJ**“ na protokol Kantona Sarajevo ili putem pošte na adresu:

KANTON SARAJEVO
MINISTARSTVO ZA NAUKU, VISOKO OBRAZOVANJE I MLADE
Prijava na Javni poziv za sufinansiranje udruženja, neprofitnih organizacija
i studentskih organizacija za projekte za mlade iz
Budžeta Kantona Sarajevo za 2025. godinu
(UZ OBAVEZNU NAZNAKU PROGRAMA)
Ul. Reisa Džemaludina Čauševića br 1
71 000 Sarajevo
Sa naznakom podataka o aplikantu (naziv i adresa)



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

Neblagovremene, nepotpune i neuredne prijave neće biti razmatrane. Prijava koja ne bude podnesena u zatvorenoj koverti sa naznačenim podacima se neće razmatrati.

SVE INFORMACIJE I OBAVJEŠTENJA U VEZI SA OVIM JAVNIM POZIVOM, PRELIMINARNA I KONAČNA RANG LISTA ĆE BITI OBJAVLJENE NA ZVANIČNOJ INTERNET STRANICI MINISTARSTVA ZA NAUKU, VISOKO OBRAZOVANJE I MLADE KANTONA SARAJEVO.

X - Ocjena prijedloga projekta

Pregled, odnosno razmatranje pristiglih prijava na Javni poziv i utvrđivanje preliminarne rang liste projekata koji će se finansirati iz Budžeta Kantona Sarajevo za 2025. godinu, sa pozicije Ministarstva za nauku, visoko obrazovanje i mlade Kantona Sarajevo, izvršit će Komisija koju imenuje ministrica za nauku, visoko obrazovanje i mlade Kantona Sarajevo.

Komisija će utvrditi preliminarnu rang listu dobitnika sredstava u roku od 60 dana od dana zatvaranja Javnog poziva.

Na preliminarnu rang listu može se izjaviti prigovor Ministrici za nauku, visoko obrazovanje i mlade Kantona Sarajevo u roku od 7 dana od dana objavljivanja preliminarne rang liste, odnosno dostavljanja pismene obavijesti podnosiocu čija prijava nije prihvaćena za sufinansiranje.

Prigovor se izjavljuje uz navođenje razloga za nezadovoljstvo aplikanta na preliminarnu rang listu, ali se ne može izjaviti ukoliko dostavljena dokumentacija na javni poziv nije potpuna, nije blagovremena ili je neuredna.

Način zaključivanja ugovora o dodjeli odobrenih sredstava sa korisnikom sredstava, praćenje i evaluacija propisani su Uredbom o dodjeli transfera neprofitnim organizacijama i pojedincima iz Budžeta Kantona Sarajevo.

Kontakt osoba:

Mirela Vasić-Hadžihalilović
033-564-401

